

CYNGOR SIR YNYS MÔN	
Adroddiad i:	Pwyllgor Llywodraethu ac Archwilio
Dyddiad:	4 Rhagfyr 2025
Pwnc / Testun:	Archwilio Allanol – Adroddiad Monitro
Pennaeth Gwasanaeth / Cyfarwyddwr:	Carys Edwards Pennaeth Proffesiwn AD a Trawsnewid 01248 752502 CarysEdwards@ynysmon.gov.uk
Awdur yr Adroddiad:	Gwyndaf Parry Rheolwr Rhaglen, Cynllunio Busnes a Perfformiad 01248 752511 GwyndafParry@ynysmon.gov.uk
Natur a Rheswm dros Adrodd: Mae'r Pwyllgor Llywodraethu ac Archwilio yn derbyn yr adroddiad hwn yn unol â'i Gylch Gorchwyl – • 3.4.8.11.3 Bydd y pwyllgor yn goruchwyllo trefniadau archwilio allanol, yn rhoi sylwadau ar sgôp a dyfnder y gwaith archwilio allanol ac yn sicrhau ei fod yn rhoi gwerth am arian. Bydd yn ystyried adroddiadau archwilio allanol a bydd yn monitro eu hargymhellion; ac • 3.4.8.13.1 Bydd y pwyllgor yn derbyn ac yn ystyried adroddiadau gan unrhyw reoleiddwyr neu arolygwyr eraill, a fydd yn ffynhonnell sicrwydd ddefnyddiol. Pwrpas yr adroddiad hwn yw rhoi sicrwydd i'r Pwyllgor fod yr argymhellion sydd ynghlwm â'r adroddiadau wedi cael sylw dilys gan wasanaethau'r Cyngor Sir a bod y rhai perthnasol yn cael eu gwireddu mewn modd ystyrlon.	

Cyflwyniad

1. Er mwyn arddangos llywodraethu da, mae'r adroddiad yn manylu ar ymateb y cyngor i adroddiadau archwilio allanol ac argymhellion cysylltiedig a gyhoeddwyd gan reoleiddwyr.
2. Darperir diweddariadau yn erbyn y gwaith y mae'r cyngor wedi'i wneud ers yr hyn a gyflwynwyd i'r pwyllgor yma ym mis Rhagfyr 2024.

Argymhelliad

3. Bod y Pwyllgor Llywodraethu ac Archwilio yn –
 - a. Ystyried yr adroddiad a derbyn yr ymatebion a'r diweddariadau fel adlewyrchiad cywir o waith y Cyngor Sir yn erbyn yr argymhellion cysylltiedig.



Archwilio Allanol – Adroddiad Monitro

Paratowyd gan: Gwasanaeth Trawsnewid


Dyddiad cyhoeddi: Tachwedd 2025

This document is available in English / Mae'r ddogfen hon ar gael yn Saesneg

Cyflwyniad

Mae'r adroddiad hwn yn amlinellu cynnydd y cyngor wrth ymateb i argymhellion o adroddiadau rheoleiddiol lleol a chenedlaethol dros y 24 mis diwethaf sydd heb eu gweithredu eto. Mae monitro ac adrodd ar gynnydd yn erbyn yr argymhellion hyn yn gonglfaen i lywodraethu effeithiol.

Mae ein [Cod Llywodraethu Lleol 2023-28](#) yn dangos sut mae'r cyngor yn dilyn yr egwyddorion craidd (ac ategol) sydd yn y 'Framework for Delivering Good Governance in Local Government' (CIPFA / Solace, 2016). Yr egwyddorion sefydledig yw:




Mae adroddiadau archwilio allanol a rheoleiddiol a sut mae'r cyngor yn ymateb i argymhellion yn cyd-fynd yn agos ag **Egwyddor G** ac **Egwyddor F**.

Mae'r adroddiadau hyn yn hanfodol ar gyfer sicrhau bod y cyngor yn gweithredu'n dryloyw ac yn cael ei ddal yn atebol am ei benderfyniadau, ei ddefnydd o adnoddau, a'i ddarpariaeth o wasanaethau. Trwy werthuso cydymffurfiaid y cyngor â'i ddyletswyddau statudol a nodi meysydd i'w gwella, maent yn cefnogi llywodraethu ar sail tystiolaeth ac yn galluogi'r cyngor i ddangos ei ymrwymiad i welliant parhaus.

Trwy adolygu ac ymateb yn weithredol i'r argymhellion, mae'r cyngor yn dangos ei ymrwymiad i ddarparu gwasanaethau o ansawdd uchel ac i fodloni ei ddyletswyddau statudol.

Crynodeb

Ym mis Tachwedd 2025, mae'r cyngor wedi gweithredu 41% o'r argymhellion, mae 51% o'r ymatebion ar waith, ac mae 8% ar ei hôl hi. Mae'r siart isod yn nodi teitlau adroddiadau archwiliadau lleol a chenedlaethol ac yn gwerthuso'r ymateb i'w hargymhellion.



Mae'r niferoedd yn y siart bar uchod yn nodi sawl argymhelliad sy'n berthnasol i Awdurdodau Lleol ym mhob adroddiad rheoleiddiol.

Trosolwg Manwl

Amser am Newid - Tlodi yng Nghymru - Cenedlaethol

Argymhellion	Diweddariad	CAMG
A7 Rydym yn argymhell y dylai cynghorau - sefydlu safonau data a dull codio corfforaethol y mae pob gwasanaeth yn eu defnyddio ar gyfer eu data craidd; - cynnal archwiliad i ganfod pa ddata sy'n cael ei gadw gan wasanaethau a nodi unrhyw achosion o ddyblygu cofnodion a cheisiadau am wybodaeth; - creu cyfrif cwsmer integredig canolog fel porth i wasanaethau; - cynnal archwiliad data i ddarparu hyfforddiant diweddaru i reolwyr gwasanaethau i sicrhau eu bod yn gwybod pryd y gallent ac na allant rannu data a pha ddata y gallent ac na allant ei rannu; ac - adolygu a diweddaru protocolau rhannu data er mwyn sicrhau eu bod yn cynorthwyo gwasanaethau i gyflawni eu cyfrifoldebau rhannu data	- Cwblhaodd y cyngor asesiad aeddfedrwydd data yn 2024/25 ac mae wedi datblygu cyfres o argymhellion i gryfhau galluedd data'r cyngor. Sefydlwyd grŵp mewnol o uwch swyddogion i yrru'r nod o ddod yn gyngor sy'n cael ei lywio gan ddata. Cyflwynwyd Achos Busnes ym mis Tachwedd 2025 i geisio adnoddau ychwanegol i ddatblygu Cynllun Strategol Data hirdymor. - Mae gan y cyngor system CRM ar waith sy'n cael ei datblygu yn unol â'r Cynllun Strategol Data i wella prosesau sy'n canolbwyntio ar y cwsmer. Mae'r ffurflenni CRM sydd eisoes ar gael ar y system yn defnyddio manylion personol, a roddir gan y trigolion ac a gadwir ar y CRM, i lenwi agweddau cyffredin ar ffurflenni cais. - Mae protocolau rhannu data ar waith ac maent yn cael eu diweddaru pan nodir gwelliannau.	Ar waith

'Cyfle wedi golli' Mentrau Cymdeithasol - Cenedlaethol

Argymhellion	Diweddariad	CAMG
A1 I gael y gorau o'u gwaith gyda a'u cyllid ar gyfer Mentrau Cymdeithasol, mae angen i awdurdodau lleol sicrhau bod ganddynt y trefniadau a'r systemau cywir yn eu lle. Rydym yn argymhell bod swyddogion awdurdodau lleol yn defnyddio'r rhestr wirio yn Atodiad 2 i:	Mae mentrau cymdeithasol o bwysigrwydd sylweddol ar Ynys Môn ac yn bartneriaid allweddol wrth gyflwyno gwasanaethau ar draws y Cyngor. Ymhlith y Cyngor 2023-2028 caiff hyn ei amlygu ac mae cydweithio'n cael ei gydnabod fel un o werthoedd y Cyngor.	Mewn Lle

Argymhellion	Diweddariad	CAMG
• hunanwerthuso gweithgarwch ymgysylltu, rheoli, perfformiad ac arfer mewn perthynas â Mentrau Cymdeithasol ar hyn o bryd; • adnabod cyfleoedd i wella cydweithio; a • mynd ati ar y cyd i ddrafftio a chyflawni cynllun gweithredu gyda graddfeydd amser a chyfrifoldebau wedi'u nodi'n glir i fynd i'r afael â'r bylchau a'r gwendidau a nodwyd trwy'r hunanwerthusiad.	'Cydweithio: Rydym yn gweithio fel tîm, gyda'n cymunedau a'n partneriaid i ddarparu'r canlyniadau gorau i bobl Ynys Môn.' Mae partneriaid allweddol yn cynnwys Medrwn Môn, Menter Môn, Môn Communities Forward ac Ynys Môn Citizens Advice. Mae Siapio Lle yn parhau i symud ymlaen ar draws yr ynys ac mae 9 cynghrair bellach yn weithredol. Cynhyrchwyd llyfryn sy'n dangos gwaith y cynghreiriau ar draws yr ynys. Wrth gefnogi lansiad y Civil Society Covenant, mae astudiaeth achos wedi'i chyhoeddi i ddangos ffyrdd ymarferol o weithio rhwng cymdeithas sifil a llywodraeth. Mae grantiau SPF yn parhau i gryfhau a chefnogi gweithgarwch mentrau cymdeithasol. Mae gan y cyngor gynrychiolaeth yn Rhwydwaith Mentrau Cymdeithasol y Gogledd Orllewin, sy'n cynnwys aelodau o gynghorau eraill y Gogledd Orllewin, Cwmpas, Menter Môn a Medrwn Môn i drafod materion sy'n wynebu mentrau cymdeithasol a chyllid ar eu cyfer. Cymeradwyodd y Cyngor Gynllun Strategol Caffael 2024–2029 ym mis Rhagfyr 2024. Mae'r cyhoeddiad allweddol hwn yn cefnogi cyflawni ein Cynllun Cyngor ac yn nodi ein huchelgeisiau ar gyfer caffael gwell i gefnogi creu Ynys Môn iach a llewyrchus lle gall pobl ffynnu. Mae hefyd yn adeiladu ar Ddeddf Llesiant Cenedlaethau'r Dyfodol (Cymru), Deddf Caffael 2023, y Ddeddf Partneriaeth Gymdeithasol a Chaffael Cyhoeddus (Cymru) 2023 a Deddf Caffael	

Argymhellion	Diweddariad	CAMG
	y Gwasanaeth Iechyd (Cymru) 2024. Ei nod yw cefnogi ein cymunedau a sicrhau gwario cydymffurfiol a gwerth am arian.	
A2 I lywio gwelliant rydym yn argymell bod yr awdurdod lleol: - yn cymeradwyo'r Cynllun Gweithredu a gwblhawyd yn ffurfiol; - yn mynd ati'n rheolaidd i adrodd ar berfformiad, ei fonitro a'i werthuso mewn pwyllgorau craffu perthnasol; ac - yn diwygio camau gweithredu a thargedau yng ngoleuni gwerthusiad ac asesiad yr awdurdod o'i berfformiad.	Mae'r partneriaid allweddol canlynol yn adrodd yn flynyddol i'r Pwyllgor Craffu Partneriaeth ac Adfywio: - Môn CF (Medi 2024) - Medrwn Môn (Ionawr 2025) - Menter Môn (Hydref 2025) - CAB Ynys Môn (Medi 2024)	Mewn lle
A3 Er mwyn sicrhau bod yr awdurdod lleol yn cyflawni ei gyfrifoldebau dan adran 16 i hyrwyddo Mentrau Cymdeithasol rydym yn argymell ei fod yn adrodd ar weithgarwch cyfredol a blaenoriaethau ar gyfer y dyfodol yn dilyn gwerthuso ei Gynllun Gweithredu gan gynnwys Adroddiad Blynyddol y Cyfarwyddwr Gwasanaethau Cymdeithasol.	Derbyniwyd adroddiad blynyddol y cyfarwyddwr ar effeithiolrwydd gwasanaethau cymdeithasol gan y Cyngor ar 25 Medi 2025. Bydd adrodd ar weithgarwch cyfredol a blaenoriaethau yn y dyfodol yn cael ei gryfhau yn yr Adroddiad Blynyddol nesaf.	Ar waith

'Craciau yn y Sylfeini' – Diogelwch Adeiladau yng Nghymru - Cenedlaethol

Argymhellion	Diweddariad	CAMG
A5 Dylai awdurdodau lleol ddatblygu cynlluniau gweithredu lleol sy'n mynegi gweledigaeth glir ar gyfer rheoli adeiladu er mwyn gallu cynllunio'n effeithiol ar gyfer rhoi gofynion y Ddeddf ar waith. Dylai'r Cynlluniau: fod yn seiliedig ar asesiad o risgiau lleol ac yn cynnwys camau lliniaru;	Yn dilyn gwasanaethu Hysbysiad Gwella o dan Adran 58Z4 o Ddeddf Adeiladu 1984 gan Lywodraeth Cymru, mae'r Gwasanaeth wedi sefydlu Grŵp Gwella Gweithredol i nodi a gweithredu gwelliannau i sicrhau fod y Tîm Rheoli Adeiladu yn cyflawni ei ddyletswyddau mewn modd effeithiol ac effeithlon. Disgwylir y bydd hyn yn ymateb yn gadarnhaol i'r argymhellion a wnaed.	Ar ei hôl hi

Argymhellion	Diweddariad	CAMG
• nodi sut y bydd adnoddau'n cael eu darparu ar gyfer gwasanaethau rheoli adeiladu i gyflawni eu holl gyfrifoldebau statudol; • dangos rôl allweddol rheoli adeiladu o ran sicrhau adeiladau diogel a bod yn gysylltiedig ag amcanion llesiant ac amcanion corfforaethol eraill; a • chynnwys mesurau deilliant sy'n canolbwyntio ar yr holl wasanaethau rheoli adeiladu, nid strwythurau peryglus yn unig.	Mae Grŵp Ymateb Rheoli Adeiladu (dan gadeiryddiaeth y Prif Weithredwr) hefyd wedi'i sefydlu i sicrhau bod mesurau priodol yn cael eu rhoi ar waith i alluogi'r Cyngor i gyflawni ei ddyletswyddau statudol mewn perthynas â Deddf Adeiladu 1984. Mae'r Grŵp yn darparu cyfarwyddyd strategol, craffu, gwneud penderfyniadau ac atebolrwydd. Mae'r Gwasanaeth hefyd yn goruchwyllo datblygu a gweithredu cynllun gweithredu i wella capasiti, gallu, cymhwysedd a goruchwyliaeth Tîm Rheoli Adeiladu'r Cyngor (mewn perthynas â Deddf Adeiladu 1984).	
A6 Dylai awdurdodau lleol fynd ati ar frys i adolygu eu rheolaeth ariannol ar reoli adeiladu a sicrhau eu bod yn cydymffurfio'n llawn â Rheoliadau. Dylai hyn gynnwys: • sefydlu amserlen o adolygiadau ffioedd rheolaidd i sicrhau bod taliadau'n adlewyrchu cost gwasanaethau ac yn cydymffurfio â'r Rheoliadau; • adrodd ar berfformiad ariannol a chyhoeddi'r wybodaeth honno'n flynyddol yn unol â'r Rheoliadau; • sicrhau bod staff perthnasol yn cael hyfforddiant i sicrhau eu bod yn cymhwyso'r Rheoliadau ac yn dehongli adroddiadau ariannol yn gywir; a • diwygio ffioedd i sicrhau y codir am wasanaethau yn unol â'r Rheoliadau.	Fel yr uchod	Ar ei hôl hi
A7 Dylai awdurdodau lleol weithio gyda phartneriaid i wneud gwell defnydd o adnoddau cyfyngedig trwy archwilio'r potensial ar gyfer cydweithio a rhanbartholi i gryfhau cydnerthedd trwy ddadansoddiad cost a budd o bartneru gydag awdurdodau cyfagos, sefydlu cyd-fentrau	Dim trafodaethau ar lefel ranbarthol ynghylch mabwysiadu model cyflawni newydd	Ar ei hôl hi

Argymhellion	Diweddariad	CAMG
a/neu fabwysiadu model rhanbarthol lle y bo hynny'n fuddiol.		
A8 Dylai awdurdodau lleol adolygu prosesau rheoli risg i sicrhau bod risgiau'n cael eu hadnabod, eu cofnodi, eu hasesu, a'u lliniaru mewn modd systematig ac y gwneir gwaith rheolaidd i'w gwerthuso ac i graffu arnynt.	Caiff Cofrestr Risg y Gwasanaeth ei diweddaru bob 6 mis ac mae hyn yn cefnogi'r broses gwneud penderfyniadau strategol. Bydd Cofrestr Risg newydd/benodol hefyd yn cael ei datblygu (wedi'i chysylltu â'r Cynllun Gwella).	Ar waith

'Gyda'n gilydd fe allwn ni' – Cydnerthedd a hunandibyniaeth cymunedau - Cenedlaethol

Argymhellion	Diweddariad	CAMG
A1 I gryfhau cydnerthedd cymunedau a chynorthwyo pobl i fod yn fwy hunandibynnol, mae angen i awdurdodau lleol sicrhau bod ganddynt y trefniadau a'r systemau cywir. Rydym yn argymhell bod awdurdodau lleol yn defnyddio'r offeryn gwerthuso yn Atodiad 2 i: • hunanwerthuso gweithgarwch ymgysylltu, rheoli, perfformiad ac ymarfer cyfredol; • adnabod ble y mae angen gwelliant; a • drafftio a chyflawni cynllun gweithredu sy'n cynnwys fframiau amser a chyfrifoldebau wedi'u nodi'n gywir i fynd i'r afael â'r bylchau a'r gwendidau a adnabuwyd wrth gwblhau'r offeryn gwerthuso.	Mae Cynllunio Lle yn parhau i symud ymlaen ar draws yr ynys gyda 9 cynghrair cymunedol bellach wedi'u sefydlu: • Caergybi • Bro'r Llynnoedd • Bro Aberffraw • Crigyll • Bodowyr • Aethwy • Seiriol • Lligwy • Talybolion Mae cynghreiriau cymunedol yn bartneriaethau cydweithredol sy'n dod â lleisiau amrywiol ynghyd, gan gynnwys trigolion, grwpiau cymunedol, cynghorau tref a chymuned, busnesau lleol, ac eraill. Trwy weithio gyda'i gilydd, maent yn datblygu atebion creadigol dan arweiniad y gymuned i fynd i'r afael â blaenoriaethau lleol ac	Mewn Lle

Argymhellion	Diweddariad	CAMG
	ymateb i ymgynghoriadau gan sefydliadau fel y Bwrdd Iechyd, Cyngor Sir Ynys Môn a Heddlu Gogledd Cymru. Mae nifer o grantiau o'r Gronfa Ffyniant Gyffredin yn cael eu darparu gan y Cyngor a phartneriaid i gryfhau ac ychwanegu at wydnwch cymunedol.	
A2 I helpu awdurdodau lleol i fynd i'r afael â'r bylchau a gaiff eu canfod ganddynt yn dilyn eu hunanwerthusiad, rydym yn argymhell eu bod: - yn rhoi cymeradwyaeth ffurfiol i'r Cynllun Gweithredu wedi'u gwblhau sy'n codi o'r ymarfer hunanwerthuso; - adrodd ar berfformiad, monitro perfformiad a gwerthuso perfformiad yn rheolaidd mewn pwyllgorau craffu perthnasol; a - diwygio camau gweithredu a thargedau yng ngoleuni gwerthusiad ac asesiad yr awdurdod o'i berfformiad	Mae'r rhestr wirio wedi'i chwblhau er mwyn hunan-werthuso ymgysylltiad, rheolaeth, perfformiad ac ymarfer. Mae'r partneriaid allweddol a nodwyd uchod i gyd wedi adrodd i Bwyllgor Craffu Partneriaeth ac Adfywio'r Cyngor.	Mewn Lle

Datblygu cynaliadwy? – gwneud y defnydd gorau o dir llwyd ac adeiladau gwag - Cenedlaethol

Argymhellion	Diweddariad	CAMG
A1 Er mwyn galluogi rhanddeiliaid i asesu safleoedd posibl, dylai cynghorau greu proses systematig i ddod o hyd i safleoedd addas ar gyfer adfywio a rhoi cyhoeddusrwydd iddynt: dylai hyn dynnu ar ddata sydd eisoes gan gynghorau, yn ogystal â ffynonellau data allanol i ddatblygu darlun cyfansawdd a mwy cyflawn o safleoedd; a	Mae gan Wasanaeth Rheoleiddio a Datblygu Economaidd Raglen ar waith i fynd i'r afael â safleoedd Tir Llwyd, lle bo modd, mewn partneriaeth â rhanddeiliaid a phartneriaid. Mae'r Cyngor yn arwain ar brynu ac ail-ddatblygu safle ffatri Peboc yn Llangefni ac yn cefnogi ein partneriaid gydag ail-ddatblygu safleoedd eraill ar draws Ynys Môn. Yn anffodus, oherwydd natur hanesyddol y safleoedd hyn, mae'n anodd iawn gwneud cynnydd cyflym arnynt.	Ar waith

Argymhellion	Diweddariad	CAMG
Ile y bo'n hysbys, dylid enwi rhwystrau allweddol i helpu ymdrechion i'w goresgyn.	Trwy'r rhaglen Porthladd Rhydd, mae cyfle i ddod â dros 200 erw o safleoedd tir llwyd nas defnyddiwyd ers amser maith yn ôl i ddefnydd economaidd ystyrlon (Alwminiwm Môn, Peboc, 2 Sisters, Rhosgoch ac Octel). Yn ogystal, mae adolygiad o'r astudiaeth tir cyflogaeth fel rhan o ddatblygu Cynllun Datblygu Lleol newydd hefyd yn cyfeirio at safleoedd brownfield a all elwa o adfywio a chael eu dod yn ôl i ddefnydd economaidd.	
A2 Er mwyn helpu i sicrhau bod gweithgarwch adfywio a gwaith i lunio'r amgylchedd yn cael ei oleuo gan anghenion cymunedau dylai Cyngorau gynyddu cyfleoedd i gynnwys y gymuned mewn rhaglenni adfywio, wrth greu cynlluniau a chyflawni'r gwaith datblygu ei hun.	Mae'r Gwasanaeth Rheoleiddio a Datblygu Economaidd ar hyn o bryd yn paratoi Cynlluniau Cynllunio Lle ar gyfer Amlwch, Caergybi a Llangefni a bydd ymgysylltu ystyrlon â'n cymunedau wrth i'r cynlluniau hyn gael eu datblygu ymhellach.	Mewn Lle
A3 Er mwyn darparu ffocws ac ysgogiad i ddatblygu safleoedd tir llwyd dylai Cyngorau adolygu eu dulliau adfywio presennol a, lle y bo hynny'n briodol, pennu polisïau a thargedau adfywio cliriach, mwy uchelgeisiol. Gyda'i gilydd, dylai'r rhain: - ddisgrifio dull a disgwyliadau'r Cyngor; - disgrifio sut y byddant yn darparu adnoddau ar gyfer eu dull; a - disgrifio sut y mae'r dull yn cyd-fynd â nodau polisi cenedlaethol a blaenoriaethau cynllunio rhanbarthol.	Credwn, yn enwedig o ystyried maint ein hadnoddau cyfyngedig (pobl ac arian), bod ein polisïau a'n targedau adfywio yn ddigon uchelgeisiol. Mae hyn yn amlwg yn llwyddiant y cyngor wrth sicrhau cymorth cyllid allanol ar draws nifer o fentrau ac ymyriadau. Er y byddwn bob amser yn ymdrechu i wneud mwy, rhaid i ni hefyd fod yn realistig ac yn bragmatig. Mae ein dull gweithredu'n parhau'n gyson – ein bod yn canolbwyntio ein hymdrechion ar y cyd ar ymyriadau sy'n codi ac sy'n cyd-fynd ag ymyriadau cenedlaethol gan Lywodraeth y DU a Llywodraeth Cymru (e.e. Porthladd Rhydd neu Drawsnewid Trefi) ac ymyriadau rhanbarthol megis cyllid y Fargen Twf.	Mewn Lle

Adolygiad o Strategaeth Ddigidol - Lleol

Argymhellion	Diweddariad	CAMG
A2 Nodi goblygiadau adnoddau. Er mwyn helpu i sicrhau bod modd cyflawni ei strategaeth ddigidol nesaf, dylai'r Cyngor nodi'r goblygiadau o ran adnoddau yn y tymor byr a'r hirdymor o'i chyflawni ynghyd ag unrhyw arbedion effeithlonrwydd a fwriedir.	Mae'r cynllun strategol digidol wedi'i ddatblygu gyda chanlyniadau wedi'u halinio â'r adnoddau sydd ar gael. Enghreifftiau o oblygiadau adnoddau hirdymor yw datblygu Cynllun Strategol Data a'r adnoddau ychwanegol sydd eu hangen ar gyfer Diogelwch Seiber.	Mewn Lle
A3 Trefniadau ar gyfer monitro gwerth am arian. Er mwyn gallu monitro gwerth am arian ei strategaeth ddigidol nesaf, dylai'r Cyngor gryfhau ei drefniadau ar gyfer monitro ei gynnydd a'i effaith yn y tymor byr, y tymor canolig a'r tymor hwy.	Mae'r tîm Digidol wedi rhoi trefniadau monitro ar waith i olrhain gweithgarwch a chynnydd ac i hwyluso adrodd, gan gynnwys paratoi'r adroddiad blynyddol ar gyfer y Tîm Arweinyddiaeth a'r Pwyllgor Gwaith ac adrodd chwarterol i'r tîm rheoli.	Ar waith

Defnyddio gwybodaeth am berfformiad: safbwynt defnyddwyr gwasanaeth a chanlyniadau - Lleol

Argymhellion	Diweddariad	CAMG
A1 Dylai'r Cyngor gryfhau'r wybodaeth y mae'n ei darparu i'w uwch-arweinwyr i'w galluogi i ddeall pa mor dda y mae gwasanaethau a pholisïau yn diwallu anghenion defnyddwyr gwasanaethau.	- Mae Cerdyn Sgorio newydd mewn lle ar gyfer 25–26. - Mae rhai Dangosyddion Perfformiad Allweddol (KPI) wedi cael eu hadolygu gyda mwy o ffocws ar ddangosyddion sy'n canolbwyntio ar ganlyniadau. - Cwblhawyd Arolwg y Preswylwyr yn 2024 a'r canlyniadau wedi'u hadrodd yn ein hadroddiad Hunanasesu a Perfformiad (Llesiant) Blynyddol – wedi'i adrodd i'r Tîm Arweinyddiaeth, y pwyllgor G&A, Craffu a'r Cabinet ym mis Tachwedd 2025. - Mae dangosfyrddau PowerBI wedi'u datblygu i fonitro tueddiadau gan gynnwys Dangosfwrdd Poblogaeth a Demograffeg, Dangosfwrdd Tlodi, Dangosfwrdd Sero Net ac eraill sy'n cael eu datblygu. Mae'r rhain ar gael i bob aelod o staff ac Aelodau.	Ar waith

Argymhellion	Diweddariad	CAMG
A2 Dylai'r Cyngor gryfhau'r wybodaeth a ddarperir i uwch arweinwyr i'w helpu i werthuso a yw'r Cyngor yn cyflawni ei amcanion a'r canlyniadau arfaethedig	- Darperir gwybodaeth chwarterol i uwch arweinwyr ynghylch cwblhau amcanion Cynllun y Cyngor. Mae byrddau rhaglen ar waith i hwyluso trafodaethau a gwelliannau lle mae angen. - Mae dangosfyrddau PowerBI ar waith - Mae canlyniadau'r Arolwg Preswylwyr a'r Arolwg Staff wedi cael eu rhannu a'u cyhoeddi	Mewn Lle
A3 Mae angen i'r Cyngor gael sicrwydd bod ganddo drefniadau cadarn i sicrhau ansawdd a chywirdeb y data y mae'n ei ddarparu i uwch-arweinwyr sy'n ymwneud â safbwynt a chanlyniadau defnyddwyr gwasanaethau.	- Mae gweithredu dangosfyrddau newydd PowerBI a'r Cerdyn Sgorio wedi nodi gwendidau ynghylch a chadernid ac ansawdd rhai ffynonellau data. Mae'r rhain wedi'u gwella neu wrthi'n cael eu gwella. - Mae'r cyngor wedi datblygu gweledigaeth i ddod yn gyngor sy'n wybodus o'i ddata. - Cyflwynwyd achos busnes i'r Tîm Arweinyddiaeth ar gyfer adnoddau ychwanegol i wireddu'r weledigaeth hon. Bwriad y Cyngor yw datblygu Cynllun Strategol Data erbyn Mawrth 2027	Ar waith

Gosod amcanion llesiant - Lleol

Argymhellion	Diweddariad	CAMG
A1 Er mwyn cyflawni ei amcanion llesiant yn unol â'r egwyddor datblygu cynaliadwy, dylai'r Cyngor sicrhau bod fersiynau nesaf ei Gynllun Ariannol Tymor Canolig yn dangos yn glir: - sut bydd adnoddau'r Cyngor yn cael eu blaenoriaethu i gyflawni ei amcanion llesiant; a - sut y gallai targedau arbedion presennol ac yn y dyfodol neu risgiau ariannol hysbys yn y dyfodol effeithio ar gyflawni ei amcanion llesiant.	Trafodwyd Cynllun Ariannol Tymor Canolig ar gyfer 25/26 yn y Pwyllgor Gwaith ym mis Medi. Nodir bod erbyn diwedd cyfnod y cynllun, bydd yn rhaid dod o hyd i tua £10m o arbedion parhaol, neu y bydd angen cynyddu'r incwm a gynhyrchir gan Dreth y Cyngor o £10m yn ychwanegol at y cynnydd a ragdybir er mwyn datrys y sefyllfa ariannol bresennol.	Ar waith

Argymhellion	Diweddariad	CAMG
A2 Dylai'r Cyngor roi ystyriaeth fanylach i dueddiadau, risgiau a chyfleoedd perthnasol er mwyn adeiladu ar y cynnydd y mae wedi'i wneud o ran cymhwyso'r egwyddor datblygu cynaliadwy wrth osod amcanion llesiant ar gyfer y dyfodol.	Mae dangosfyrddau PowerBI wedi'u datblygu i fonitro tueddiadau, gan gynnwys Dangosfwrdd Poblogaeth a Demograffeg, Dangosfwrdd Tlodi, Dangosfwrdd Sero Net, ac eraill sy'n cael ei dylunio. Caiff risgiau eu monitro'n chwarterol tra bo cyfleoedd yn cael eu harchwilio pan gânt eu hadnabod.	Mewn Lle

Adroddiadau Archwilio Newydd ers y Diweddariad Diwethaf

Adolygiad Cynaliadwyedd Ariannol – Lleol – Rhagfyr 2024

Argymhellion	Diweddariad	CAMG
A1. Mae Strategaeth Ariannol Tymor Canolig y Cyngor wedi'i chyfyngu i ddwy flynedd ac nid yw wedi cymeradwyo strategaeth ariannol sy'n nodi'r pwysau ariannol hirdymor a'i ddull strategol o gyflawni'r heriau hyn. Er mwyn mynd i'r afael â hyn, dylai'r Cyngor ddatblygu strategaeth ariannol hirdymor sy'n cefnogi ei ddealltwriaeth o'i sefyllfa ariannol yn y dyfodol ac yn llywio ei drawsnewid a'i flaenoriaethu gwasanaethau.	Trafodwyd Cynllun Ariannol Tymor Canolig ar gyfer 25/26 yn y Pwyllgor Gwaith ym mis Medi. Nodir bod erbyn diwedd cyfnod y cynllun, sydd bellach yn cwmpasu cyfnod o 3 blynedd, bydd yn rhaid dod o hyd i tua £10m o arbedion parhaol, neu y bydd angen cynyddu'r incwm a gynhyrchir gan Dreth y Cyngor o £10m yn ychwanegol at y cynnydd a ragdybir er mwyn datrys y sefyllfa ariannol bresennol. Mae gwaith yn parhau i adnabod arbedion cyn gosod y gyllideb. Ymgynghorir ar rai ohonynt yn y flwyddyn newydd.	Mewn Lle

Trefniadau ar gyfer comisiynu gwasanaethau - Lleol – Gorffennaf 2025

Argymhellion	Diweddariad	CAMG
A1 Sefydlu trefniadau comisiynu Er mwyn galluogi'r Cyngor i asesu ac adrodd ar werth am arian gwasanaethau a gomisiynir, dylai sicrhau bod ganddo broses arfarnu opsiynau sefydledig a chynhwysfawr i gefnogi'r broses o wneud penderfyniadau ar wasanaethau a gomisiynir. Dylai'r rhesymeg dros benderfyniadau comisiynu fod fel a ganlyn: - wedi'u dogfennu'n llawn; - wedi'i llywio gan ystyriaeth o ffactorau tymor byr a hirdymor;	Bydd y Cyngor yn sefydlu grwp llywodraethiant cyngor cyfan; byddwn yn ystyried amcanion y grwp, all gynnwys: - Cefnogi prosesau o wneud a dogfennu penderfyniadau strategol - Sefydlu Cylch Gorchwyl ar gyfer y grwp yma. Yn 2024 cynhaliwyd y cyngor arolwg trigolion gan weithio ar y cyd hefo WLGA a data Cymru. Bydd y Cyngor ydy cymryd i ystyriaeth canlyniadau yr arolwg yma wrth ystyried trefniadau	Ar Waith

Argymhellion	Diweddariad	CAMG
- cael eu llywio gan farn y rhai y byddai'r gwasanaeth a gomisiynir yn effeithio arnynt; ac - wedi asesu risg gan gynnwys ystyried costau a buddion llawn pob opsiwn	comisiynu gwasanaethau. Byddwn yn parhau i weithio hefo CLILC a Data Cymru i gynnal yr arolwg yma i'r dyfodol.	
A2 Ymgorffori trefniadau ar draws y Cyngor Er mwyn sicrhau bod gwasanaethau ar draws y Cyngor yn dysgu o weithgarwch comisiynu, dylai'r Cyngor ymgorffori trefniadau comisiynu drwy: - godi ymwybyddiaeth o drefniadau comisiynu a'r disgwyliadau; - gwerthuso gwerth am arian ei ddull o gomisiynu gwasanaethau yn systematig; a - rhannu'r hyn a ddysgwyd o weithgarwch comisiynu ar draws adrannau a chyda phartneriaid allanol lle bo'n berthnasol.	Mae'r Cyngor wedi datblygu Cynllun Caffael Strategol 2024 i 2029 mae'r cynllun yn dangos ymrwymiad y Cyngor i ddefnyddio ein trefniadau masnachol i gefnogi busnesau lleol cymaint a phosib. Hefyd ein bwriad i adnabod elfennau effeithiolrwydd ac yn gyrru arloesedd yn ei flaen, tra'n sicrhau bod gwasanaethau yn effeithiol o ran cost. Rydym wedi paratoi Llawlyfr Caffael newydd i staff sy'n ganllaw i gyd fynd gyda'r ddeddf Gaffael newydd. Mae rhan penodol i'r canllaw yma sy'n cyfarch: Y trefniant presennol ag archwilio trefniadau presennol y cyngor Gyda'r pwrpas i herio comisiynu i ystyried a oes wir angen yr hyn maent eisiau ei brynu. Gweithred: Bydd y Cyngor fel rhan o'n cynllun gweithredu i gyfarch gofynion y Ddeddf yn sefydlu strwythur i rannu gwersi a ddysgwyd yn dilyn trefniadau comisiynu gyda staff eraill.	Ar Waith

Llety Dros Dro, argyfwng hirdymor? - Cenedlaethol - Gorffennaf 2025

Argymhellion	Diweddariad	CAMG
Gwerth am arian R1 Canfuom nad yw cynghorau'n gallu dangos eu bod yn sicrhau gwerth am arian yn eu darpariaeth llety dros dro. I fynd i'r afael â hyn dylai cynghorau: • sicrhau bod yr ystod lawn o ddulliau ac opsiynau ar gyfer darparu llety dros dro'n cael eu hystyried; a • nodi sut y byddant yn asesu ac yn monitro gwerth am arian darpariaeth llety dros dro ar y cyfan, gan gynnwys:- y manteision bwriadedig; a hefyd- yr wybodaeth y byddant yn ei defnyddio i asesu darbodaeth, effeithlonrwydd ac effeithiolrwydd eu darpariaeth llety dros dro.	Darparwyd ymarfer o asesu mathau gwahanol o lety digartrefedd rydym yn ei ddarparu gan sgorio rheini yn erbyn meini prawf. Rydym yn falch fod y modiwl hwn wedi ei adnabod fel cam cadarnhaol yn yr adroddiad. Darparwyd gwybodaeth ariannol i ddangos tystiolaeth ein bod yn tanwario yn erbyn ein cyllideb am y flwyddyn 2024-25. Rydym yn monitro gwariant yn rheolaidd ac yn gallu tystiolaethu fod costau yn parhau i ostwng. Fel enghraifft o'r tystiolaeth, darparwyd rhestr o'r unedau rydym yn ei lesu sydd yn adlewyrchu gwerth am arian gan eu bod yn ddatrysiaid rhatach na thalu gwesty sydd á chostau nosweithiol uwch. Darparwyd rhestr o'r costau nosweithiol hynny. Rydym yn parhau i ddefnyddio'r model asesu mathau gwahanol o lety digartrefedd ac bydd yn ffurfiol rhan o'n Cynllun Ailgartrefu Cyflym. Gweithred: diweddaru ein Cynllun Ailgartrefu Cyflym	Ar Waith
Cynllunio ar gyfer atal A2 Canfuom, er bod gan yr holl gynghorau Gynlluniau Pontio Ailgartrefu Cyflym, fod ansawdd y rhain yn amrywio. Er mwyn cynllunio'n effeithiol i atal digartrefedd dylai cynghorau: • sicrhau eu bod yn defnyddio data perthnasol i lunio'r amcangyfrif gorau posibl o'r galw yn y dyfodol am wasanaethau digartrefedd;	Rydym yn derbyn gallwn wella ar ein defnydd o ddata. Ond, credwn ein bod yn gweithio tuag at hyn. Enghraifft o hyn yw bod ein cyfeiriadau Grant Cymorth Tai gael ei wneud yn electroneg gyda dashfwrdd byw i ddangos data yng nghyd á chasglu gwybodaeth am Grant Cymorth Tai a Digartrefedd at ei gilydd. Mae LLC wedi cysylltu yn ddiweddar i wybod sut rydym wedi canoli ein dull o gasglu data gan ddarparwyr a gofyn ein	Ar Waith

Argymhellion	Diweddariad	CAMG
• cynnwys ystod o ddulliau sylfaenol, eilaidd a thrydyddol yn eu cynlluniau, gyda'r pwyslais ar atal sylfaenol lle y bo'n bosibl; • modelu effaith newidiadau polisi ar y sgiliau a'r capasiti y mae eu hangen yn eu gweithlu; • adnabod y gweithlu y bydd ei angen arnynt i fynd i'r afael â'r galw am lety dros dro yn y dyfodol; a • nodi sut y byddant yn asesu ac yn monitro darbodaeth, effeithlonrwydd ac effeithiolrwydd eu dull o atal a lleihau'r galw am lety dros dro.	barn am pa ganllaw ddylai LLC ei rannu er mwyn hwyluso casglu data a sut dylent gyflawni hyn. Gweithred: Adolygiad o ddefnydd o ddata a fframwaith canlyniadau GCC mewn lle Credwn bod ein strwythur, trefniadau gwaith yn ymateb i hyn. Gall person ddod at y gwasanaeth a derbyn ystod o wasanaethau / ymyraethau sydd yn berthnasol i'w sefyllfa. I dystiolaethu hyn mae gennym nifer o lwybrau mynediad at gefnogaeth megis pobl ifanc, pobl ifanc yn gadael, person yn gadael carchar i enwi rhai. Mae ein darparwyr Grant Cymorth Tai yn cynnig gwasanaethau sydd yn cyd fynd â'r llwybrau hyn ac yn cael eu monitro yn rheolaidd yn erbyn eu contract. Rydym wedi ail-bwrpasu ein tim er mwyn ymateb i atal ac asesu digartrefedd. Mae'r strwythur yn caniatáu ymateb yn gynt i achosion. Gennym drefniadau cadarn ar gyfer asesu bob person sydd yn dod i gyswllt gyda ni ag sydd angen ymateb i atal digartrefedd neu ymateb brys i ddigartrefedd. Darparwyd tystiolaeth o'n broses triage, cynllun atal digartrefedd a nifer o'r llwybr mynediad i tai a chefnogaeth fel tystiolaeth. Credwn fod aelodau o'r tim yn cael eu cefnogi er mwyn mynd i'r afael â'r galw am lety dros dro nawr ac yn y dyfodol. Cynhelir cyfarfodydd wythnosol i fonitro achosion ac amser mae cleientiaid mewn llety argyfwng er mwyn eu symud ymlaen i gartref mwy addas dros dro. Mae bob swyddog gyda cynllun	

Argymhellion	Diweddariad	CAMG
	gwaith am y flwyddyn gyda cyfarfodydd rheolaidd gyda eu rheolwr llinell. Mae aelodau o'r Tim yn cwblhau cyrsiau CIH er mwyn gwella eu cymwysterau gyda 2 swyddog wedi hyfforddi mewn 'PIE trauma informed' Mae'r strwythur yn hwyluso delio gyda achosion o ddigartrefedd drwy brosesau a dulliau gwaith, cynnwys hyn swyddog pwynt cyswllt cyntaf sydd yn rhoi cyngor ac opsiynau i'r client yn ogystal a chyfeirio ymlaen am gefnogaeth drwy GCT ar y pwynt cyntaf hwnnw. Enghraifft arall o fod yn rhagweithiol yw rôl Cydlynnydd Achosion Cymhleth sydd yn cydlynu cyfarfodydd aml asiantaethol er mwyn sicrhau fod cleientiaid yn derbyn y gefnogaeth briodol gan asiantaethau eraill yn ogystal á Grant Cymorth Tai. Mae hyn yn atal sefyllfa yr unigolion rhag mynd yn waeth. Enghraifft o hyn yw gallwn dystiolaethu nifer o bobl sydd wedi gadael carchar sydd wedi derbyn cefnogaeth a'r canlyniad wrth iddynt symud ymlaen. Asesiad Anghenion Grant Cymorth Tai yn adnodd i adnabod anghenion gyda Grant Cymorth Tai (GCT) yn cael ei ddyrannu yn unol a'r gofynion o fewn y grwp cleientiaid. Yr Asesiad yma sydd yn llywio ein Cynllun Darparu Grant Cymorth Tai blynyddol ynghyd á'n gwariant o'r grant. Rydym yn gweithredu ffurflen symud ymlaen (move-on) ar gyfer achosion atal ac argyfwng er mwyn symud pobl ymlaen	

Argymhellion	Diweddariad	CAMG
	i'r dai sector preifat. Mae'r broses hefyd ar agor i unigolion o fewn llety a chefnogaeth. Derbynnir cyfeiriadau gan swyddogion cefnogi yn ogystal ag aelodau o'r tîm atal ac argyfwng. Mae hwn yn enghraifft o waith atal mewn sawl ffordd – gall gael ei ddefnyddio i symud pobol o dai gyda rhybudd i mewn i eiddo CLLC (gan osgoi llety dros dro a digartrefedd) neu/a hefyd symud pobol o lety a chefnogaeth pam maent yn barod. O ganlyniad mae hyn wedyn yn creu lle i bobol newydd symud fewn i eiddo llety chymorth sydd angen y cymorth cyn iddynt dderbyn eiddo parhaol sef posib yn atal digartrefedd yn y dyfodol (gan lleihau y siawns o'r denantiaeth yn methu).	
Gweithio mewn partneriaeth A3 Canfuom ei bod hi'n aml yn wir nad yw gweithio mewn partneriaeth i atal digartrefedd yn effeithiol. I wella hyn dylai cyngorau: • weithio gyda'u partneriaid i: -adnabod priod rolau a chyfrifoldebau presennol; -cytuno sut i fynd i'r afael â bylchau mewn gwasanaethau a/neu achosion o ddyblygu gwasanaethau • mynd ati'n rheolaidd i werthuso effeithiolrwydd eu trefniadau ar gyfer gweithio mewn partneriaeth i atal digartrefedd.	Mae ein Cynllun Darparu Grant Cymorth Tai yn nodi pa wasanaethau sydd yn cael eu darparu. Mae trefniadau monitro ac adolygu cadarn mewn lle er mwyn sicrhau bod darparwyr yn cefnogi pobl sydd angen cymorth i atal digartrefedd. Mae ein templed monitro ac adolygu wedi adnabod a'i rannu ar draws Gogledd Cymru fel ymarfer cadarnhaol. Rydym yn cynnal cyfarfodydd bob 6 wythnos gyda'r darparwyr i drafod materion gweithredol er mwyn delio gyda unrhyw faterion / dyblygu/ bylchau mewn darpariaeth. Cynhaliwyd digwyddiad partneriaeth a rhwydweithio yn Tachwedd 2024 er mwyn rhannu gwybodaeth a phrofiadau, gan gynnwys rhai ag 'lived experience,' o ddigartrefedd Mae nifer o lwybrau mynediad mewn lle sydd yn cynnwys cydweithio gyda lechyd, Gwasanaeth Prawf, Teulu Môn ac ein darparwyr Grant Cymorth Tai. Mae swyddogion yn rhan o	Ar Waith

Argymhellion	Diweddariad	CAMG
	wasanaeth pwynt cyswllt cyntaf Gwasanaethau Cymdeithasol (Teulu Môn), yn mynychu wardiau yn Ysbyty Gwynedd ac rydym wedi cynnal digwyddiadau rhannu gwybodaeth gyda Gwasanaeth Prawf. Mae'r linciau i asesu effaith gwaith partneriaethau a roddwyd yn eich adroddiad yn edrych yn ddefnyddiol. Gweithred: asesu gwaith partneriaethol i gyd fynd ag amserlen ar gyfer cyflwyno Strategaeth Grant Cymorth Tai 2027-31 gan ddefnyddio adnodd Homelessness Link	

Rheolaeth Strategol ar Falansau a Chronfeydd wrth Gefn - Lleol – Medi 2025

Argymhellion	Diweddariad	CAMG
A1 Er mwyn strategol sicrhau ei fod yn defnyddio, dylai'r Cyngor ei gronfeydd wrth gefn yn 1.1 - ddatblygu meini prawf i benderfynu sut a phryd y dylid sefydlu cronfeydd wrth gefn; a 1.2 - datblygu protocol corfforaethol ar gyfer adolygu cronfeydd wrth gefn	Caiff ei gwblhau cyn diwedd blwyddyn ariannol 25/26 ac asesir yr holl gronfeydd presennol a cheisiadau am gronfeydd newydd yn unol â'r protocol newydd.	Ar Waith

Rhanbarth Gogledd Cymru - Gofal Brys ac Argyfwng: Llif allan o'r Ysbyty - Medi 2024

Argymhellion	Diweddariad	CAMG
Gwella hyfforddiant a chanllawiau A1 Dylai'r Bwrdd Iechyd, gan weithio gydag awdurdodau lleol, ddatblygu canllawiau y cytunwyd arnynt ar y cyd i	Mae gennym gyfarfodydd wythnosol gyda'r gwasanaeth iechyd i drafod achosion, gyda dilyniant mwy manwl ar drefniadau a	Mewn Lle

Argymhellion	Diweddariad	CAMG
ddarparu eglurder i'r holl staff ynglŷn â sut y dylai'r broses o gynllunio ar gyfer rhyddhau cleifion weithio ledled y rhanbarth. Dylai'r rhain fod yn seiliedig ar y canllawiau cenedlaethol a gyhoeddwyd ym mis Rhagfyr 2023 a dylent nodi rolau a chyfrifoldebau, a disgwyliadau, sydd wedi'u diffinio'n glir gan gynnwys pryd y dylid gwneud atgyfeiriadau ar gyfer gofal parhaus.	phrosesau i sicrhau ein bod yn cadw at y canllawiau cenedlaethol ac yn datblygu modelau arfer da.	
Gwella hyfforddiant a chanllawiau A2 Dylai'r Bwrdd Iechyd ac awdurdodau lleol sicrhau bod prosesau ar waith i gyfleu canllawiau ynghylch cynllunio ar gyfer rhyddhau cleifion i'r holl staff perthnasol mewn gwasanaethau iechyd a gwasanaethau cymdeithasol, gan gynnwys y rhai sy'n gweithio dros dro, gyda hynny'n cael ei ategu gan raglen barhaus o hyfforddiant diweddarau a hyfforddiant sefydlu i staff newydd	Caiff staff ar draws y sefydliad eu hysbysu am y broses yn ystod yr hyfforddiant sefydlu ac mae staff yn cael eu diweddarau am y broses ac unrhyw newidiadau sy'n digwydd.	Mewn Lle
Gwella ansawdd gwybodaeth a'r modd y caiff ei rhannu A7 Dylai'r Bwrdd Iechyd ac awdurdodau lleol sicrhau bod gan yr holl staff perthnasol ar draws pob sefydliad fynediad cyson at wybodaeth gyfoes am y gwasanaethau sydd ar gael yn y gymuned sydd o gymorth i ryddhau cleifion o'r ysbyty. Bydd hyn yn sicrhau nad yw cyfleoedd i ryddhau cleifion yn gynharach gyda chymorth gan wasanaethau y tu hwnt i ofal cymdeithasol yn cael eu colli.	Bu ymdrech i ddatblygu Dangosfwrdd a rennir ar gyfer lechyd a Gofal Cymdeithasol er mwyn sicrhau bod gennym wybodaeth gyson sy'n cael ei diweddarau'r fyw. Bydd hyn yn sicrhau ein bod yn gweithio o'r un wybodaeth ac yn gallu addasu wrth i amgylchiadau newid.	Ar Waith
Gwella ansawdd gwybodaeth a'r modd y caiff ei rhannu A9 Dylai'r Bwrdd Iechyd ac awdurdodau lleol roi ffyrdd ar waith y gallir rhannu gwybodaeth yn fwy effeithiol, gan gynnwys cyfleoedd i ddarparu mynediad ehangach at systemau sefydliadol ac, yn y pen draw, datrysiadau TG ar y cyd	Mae hyn wedi bod yn rhywbeth yr ydym wedi bod yn awyddus i'w symud ymlaen ac mae'n cael ei weithredu (gweler uchod)	Ar Waith
Mynd i'r afael â bylchau allweddol mewn capasiti A10 Mae angen i'r Bwrdd Iechyd ac awdurdodau lleol gydweithio i ddatblygu datrysiadau ar y cyd i fynd i'r afael	Mae cyflwyno'r Grant Trawsnewidiol wedi ein galluogi i ganolbwyntio ar feysydd blaenoriaeth ac ailfodelu rhywfaint o'r	Ar Waith

Argymhellion	Diweddariad	CAMG
â bylchau allweddol yng nghapasiti gwasanaethau, yn enwedig gofal cartref a gwasanaethau ail alluogi a fyddai'n ei gwneud yn bosibl rhyddhau cleifion i'w cartref eu hunain yn fwy amserol.	ddarpariaeth, yn ogystal â sicrhau bod menter 'Am Adra' yn cael ei chyllido ar sail barhaol.	
Cynyddu defnydd o'r Gronfa Integreiddio Rhanbarthol i'r Eithaf A11 Dylai'r Bwrdd lechyd ac awdurdodau lleol, trwy'r Bwrdd Partneriaeth Rhanbarthol (BPRh), ddangos sut y maent yn gweithio i fynd ati'n fwyfwy i brif ffrydio cynlluniau hirsefydlog a gyllidir trwy RIF yr ystyrir eu bod yn wasanaethau craidd.	Mae trafodaethau parhaus ynghylch sut rydym yn cefnogi prosiectau RIF yn symud ymlaen ac yn rhannu arfer da. Mae rhai mentrau yn cael eu hailfodelu ac rydym hefyd yn rhoi gwybod i dderbynwyr nad oes sicrwydd o gyllid parhaus y tu hwnt i Fawrth 2027. Fodd bynnag, bydd yn heriol i brif ffrydio'r holl fentrau.	Ar Waith
Cynyddu defnydd o'r Gronfa Integreiddio Rhanbarthol i'r Eithaf A12 Dylai'r Bwrdd lechyd ac awdurdodau lleol, trwy'r Bwrdd Partneriaeth Rhanbarthol, gytuno ar broses ar gyfer defnyddio unrhyw arian llithriant o'r Gronfa Integreiddio Rhanbarthol yn y dyfodol, gan sicrhau y ceir gwerth a budd priodol o wariant o'r fath.	Mae gennym nifer o brosiectau y gellir eu hystyried pe bai unrhyw brinder mewn cyllid ac i sicrhau ein bod yn defnyddio ein dyraniad yn llawn.	Mewn Lle
Cynyddu defnydd o'r Gronfa Integreiddio Rhanbarthol i'r Eithaf A13 I helpu i oleuo prosesau penderfynu a thrafodaethau, dylai'r Bwrdd lechyd ac awdurdodau lleol: 13.1. sicrhau bod gan y Bwrdd Partneriaeth Rhanbarthol fynediad rheolaidd at ddangosyddion perfformiad allweddol sy'n berthnasol i lif effeithiol ac amserol allan o'r ysbyty, gan gynnwys perfformiad gofal brys ac argyfwng o fewn y Bwrdd lechyd a rhestrau aros ar gyfer gwasanaethau cymdeithasol a phecynnau gofal; a 13.2. defnyddio trefniant gweithio'r Bwrdd Partneriaeth Rhanbarthol i ddatblygu cofrestr risgiau ranbarthol sy'n	Mae gwybodaeth yn cael ei monitro i sicrhau bod gennym gofnod o bob achos wedi'i Optimeiddio'n Glinigol gyda ffocws ar hyd arosiadau ac ar nifer yr achosion sy'n aros. Caiff y rhain eu hadolygu'n wythnosol ac rydym yn gwirio'r wybodaeth bob dydd Gwener i sicrhau bod gennym ddealltwriaeth gyffredin o'r holl godau.	Ar Waith

Argymhellion	Diweddariad	CAMG
dwyn ynghyd y risgiau sy'n gysylltiedig ag oedi cyn rhyddhau		
Gwella goruchwyliaeth ac effaith A14 Dylai'r Bwrdd Iechyd ac awdurdodau lleol sicrhau bod gwybodaeth sy'n nodi cynnydd gyda gweithgareddau a mentrau arwyddocaol a gyflawnir i roi cymorth i ryddhau cleifion yn effeithiol ac yn amserol ar gael yn rheolaidd ar lefel gorfforaethol ac ar lefel partneriaeth. Dylai hyn gynnwys gweithgareddau a mentrau a gyflawnir yn unigol ac ar y cyd, o fewn strwythur y BPRh a'r tu allan iddo, eu heffaith a sut y maent yn cyfrannu ar y cyd at ymdrin â'r heriau. Bydd hyn yn helpu i ddarparu sicrwydd bod adnoddau'n cael eu buddsoddi mewn modd sy'n cael yr effaith orau	Caiff gwybodaeth ei hadolygu bob mis gan Reolwyr Gwasanaeth ac Arweinwyr Tîm, ac mae achosion anodd yn cael eu trafod ar y cyd i sicrhau bod pob opsiwn wedi'i ystyried.	Ar Waith
Gwreiddio gwersi o gamau gweithredu i fynd i'r afael ag achosion o oedi cyn rhyddhau cleifion A15 Dylai'r Bwrdd Iechyd ac awdurdodau lleol sicrhau bod mecanweithiau'n bodoli i roi gwersi ar waith o gamau gweithredu a gymerwyd i ymdrin ag achosion o oedi cyn rhyddhau, megis y Digwyddiadau Rhyddhau Amlasiantaeth (MADE), ac i gynnal goruchwyliaeth reolaidd i sicrhau bod y gwersi'n cael eu rhoi ar waith.	Mae digwyddiadau MADE wedi'u defnyddio. Rydym hefyd wedi cynnal diwrnodau datblygu i edrych ar sut y gallwn wella'r gwasanaeth ac mae gweithredu Am Adra wedi rhoi mwy o ysgogiad i'r broses. Mae staff gwasanaethau cymdeithasol bellach yn mynychu Ysbyty Gwynedd ac rydym wedi defnyddio'r gwasanaeth adferiad i dynnu unigolion allan o'r ysbyty.	Mewn Lle